

孝  
史

王君  
書



物猶如此 物猶如此



物猶如此 物猶如此



物猶如此

# 物猶如此

三版命  
可川洋玉竹

物猶如此 物猶如此



物猶如此 物猶如此



物猶如此一書。係廣譽徐白舫太史所輯。內分一十四卷。計孝友鑑。忠義鑑。貞烈鑑。慈愛鑑。恤孤鑑。眷舊鑑。踐信鑑。守廉鑑。翼善鑑。救難鑑。酬德鑑。雪冤鑑。知幾鑑。通慧鑑等。總其數百篇。每篇加評加詩。一以物類之美德。促進人類之覺悟。直是以護生之旨。包括五倫八德之大。而五倫八德之中。尤無處不以護生之旨為勸。誠數字血淚之句。哀音。殊足感天地。泣鬼神也。余於十餘年前。偶見太史寶筏圖說。錄是書數篇。即時抄錄翻印。認為至文。不意於今庚承太史之同鄉林鍾時居士。投稿本報。是書數篇。如此之旨。勸世。余即致函請林君代覓。旋蒙見惠一部。十年願望。一旦獲償。誠無以欣幸也。余日夜勞形。心苦莫名。惟校對是書。雖均屬斷腸之文。足堪令人墮淚。誠無以欣寫畢。故不覺其苦。而反起人激昂之心。蓋太史筆墨之靈。所由然也。用特注意。以插校。先出二萬部。特價出售。以資普勸。所願人人手此一部。苟能時常翻閱。未有不能化殘忍為慈祥。轉戾氣為太和。天下之大。是所望於仁人君子之廣播也。太原寒世子記。

上海道  
德書局謹啓  
七四號

上海道  
德書局謹啓  
七四號

孝 史 道德叢書之四

江蘇海門陳鏡伊編

目錄

(一) 尋親篇

萬里尋父 二則

艱苦尋父 七則

棄官尋母

萬里尋母 二則

艱苦尋母 六則

艱苦求父


(二) 救親篇

打虎救父

繫獸救父

打虎救母

代父受刑



爭代父死 三則

(三) 養親篇

行乞養親 二則

負母遊園

五十年不離

扇枕溫被 二則

爲親滌溺

外宿歸侍

殺雞供母

省食遺母

忍痛侍母

資親喜悅

卅年不倦

手不驅蚊

躬扶父輿

爲母滌溺

負米百里

懷橘遺母

珍味先母

孝感惡母

舌耕奉父

(四) 侍疾篇

未嘗解衣

衣不解帶

夜不解帶

不離左右

爲母吮疽

爲母吮癰

爲父舐目

母盲復明

四則

嘗糞驗病

嘗唾驗病

親嘗湯藥

天醫賜方

忽得奇藥

神示靈藥

神賜靈藥

丹書療病

神僧遺瓜

須臾永瘥

割肝救母

傾家醫母

至孝延母

(五) 葬親篇

賣身葬父

徒跣千里

神報親喪

神告吉地

天畀良穴

(六) 孝感篇

盜慚而辭

賊不忍殺 二則

盜不忍害

賊反贈物

賊約不犯

盜戒勿犯

盜還衣服 以上感盜賊

虎即避去

虎忽棄之

虎即舍去

虎曳尾去 二則

猛獸馴擾 二則

猛獸絕跡

羣雁俱集

彩雀叢集

雙鶴來下

犬亦悲號

禱河得鱖

舍側躍鯉

水獺獻魚 以上感動物

哭澤生董

鳥耘獸耕

猛獸下道

豺狼絕跡

慈烏來集

慈烏銜土

鳥亦悲鳴

犬乳鄰貓

臥冰得鯉

躍鯉入舟

哭竹生笋

寒日得瓜 二則

楊梅冬實

苗折更生

天煖得水

旱忽生泉

墓側湧泉

埋兒得金

大火頓熄

一屋僅存

風返火滅

憑板獨生

俄而風息

供花不萎

墓生靈芝

以上感植物

盛夏得冰

庭忽湧泉

汲水得錢

火爲之滅

屋獨免燒

反風滅火

水爲退滅

附木獨生

俄而風靜



衆溺獨全

衆沒獨全

衆漂獨存

舟忽自正

雨獨不霑

雨獨不濕

風雹便止

衆壓獨全

衆損獨佳

草人指路

意赦夙業

仙丸愈痼

神示良藥

神贖良藥

斷指復生

割乳復生

至性冥通

五則以上感天地鬼神

格母悔改

格婦成孝

二則

(七) 顯親思親篇

揚名顯親

爲親而仕

度親超昇

減算益親

聞雷泣墓

夢晤亡母

不仕仇朝

母老泣杖

大魁天下

子壻殊科

拯人超母

授訣登仙

夢見父貌

悲母遺物

殺賊報父

母是佛活

以上顯親

以上度親

以上思親

孝

史

道德叢書之四

江蘇海門陳鏡伊編

(一) 尋親篇

萬里尋父 (一)

明趙重華七歲時。父廷瑞游江湖不返。重華長。榜其背曰：「萬里尋親。」別書父年貌邑里數千紙。所歷州縣遍張之。禱武當山。經太子巖。巖陰有字曰：「趙廷瑞朝山至此。」遂書其後曰：「趙廷瑞之子重華尋父至此。」久之。無所遇。過丹陽。遇一老僧。呼問故。笑曰：「汝父客無錫南禪寺中。」語訖。忽不見。重華急趨至寺。果

得父相與慟哭迎歸雲南。

### 萬里尋父 (二)

冷孝子名昇山東益都諸生。父植元好遠遊。明懷宗己卯。適嶺表。兵戈阻絕三十年。後微聞其父歿於龍州土司。孝子涕泣尋訪。歷三百七十餘灘。自橫州達南寧。又步行五千里。遇那利人蔡鄭二君。詢得其父葬所。并葬師某人。乃入山中與葬師譚姓者遇。果得父櫬於龍州北境山中。後人有嘉其孝行。悲其苦志。乃作「冷孝子扶櫬記」。冷一寒士。父歿三十年。竟能覓遺骸於萬里外。經歷險阻不改初志。人以爲難。後孝子家累世書香。科第不絕。

### 萬里尋母 (一)

梁庾道愍有孝行。少出孤悻。母漂流交州。愍尙在襁褓。及長知之。

求爲廣州綏寧府佐。至南而去。交州尙遠。乃自負擔。冒險至交州。尋母。經年悲泣。偶入村。日暮雨驟。乃寄止一家。旦有嫗負薪外還。而愍心動。訪之。乃母也。于是行伏號泣。遠近赴之。莫不揮淚。

### 萬里尋母 (二)

明吳璋母。選給內廷。後隨親王妃之韶州。璋棄家尋母。舟供大士像。哀禱懇至。願必見母。比抵韶。而母又從王之饒州。璋奔馳沙磧。赤足皸裂。臥寺廡下。有道人自言焦姓。敷以藥。立愈。過庾嶺。黑虺嚙足。痛極暈倒。復見焦道人。塗以藥。痛立止。投荒野茅舍。有美人留之同宿。璋曰：「吾心似枯藤。豈有慾念。」奔出門。而茅舍忽不見。雪深數尺。匍匐前。征憩古廟。焦道人又來。扶其背曰：「爲母忘軀。鉄漢哉。天不負汝。苦心見母不遠矣。」出餅啖之。頓忘飢凍。天

明尋路至饒。得見母。奉以歸。後子洪。孫山。俱官尙書。

### 艱苦尋父 (一)

吳悉達聞喜人。父母爲人所殺。兄弟三人年並幼小。四時號墓。悲感鄉里。及長。報讎。避地永安。昆弟同居四十餘載。閨門和睦。讓逸競勞。雖歎歲餽。粥不繼。賓客所過。必傾所有。鄰人孤貧窘困者。莫不解衣輟糧。以相賑恤。鄉閭五百餘人。詣州稱頌焉。後欲改葬。亡失墳墓。推尋弗獲。晝夜號哭不止。叫訴神祇。忽於悉達足下地陷。得父銘記。因遷曾祖以下三世九喪。有司奏聞。標閭復役。以彰孝義。

北史孝行傳

### 艱苦尋父 (二)

王少元父隋末死亂兵。遺腹生少元。甫十歲。問父所在。母以告。卽

哀泣求尸。時野中白骨覆壓。或曰：「以子血漬而滲者。父肉也。」少元錢。膚滴血。閱旬而獲。遂以葬。創甚。彌年乃興。貞觀中。州官言狀。拜除王府參軍。唐書孝友傳

### 艱苦尋父

(三)

元黃贊。父君道。求官京師。贊幼。既長。聞其父娶後妻。居永平。乃往省之。則父歿已三年矣。庶母聞贊來。盡挾其貲去。更嫁。拒不見贊。贊號哭。語人曰：「吾來省父。今已歿。思奉其柩歸。苟得見庶母。示以葬所。死不恨。尙忍遺財邪？」久之。聞庶母居海濱。亟往。三日不納。庶母之弟憐之。與偕至永平。求父墓。又弗得。贊哭禱于神。一夕夢老父以杖指葬處。曰：「見片磚。卽可得。」明日就其地求之。庶母之弟曰：「斂時有某可驗。」啓朽棺。得父骨以歸。元史孝友傳

### 艱苦尋父 (四)

周道丕父戰死遺骸未收。丕詣其地。拾聚白骨。晝夜誦經祝之。願羣骨中有動者。卽我父骨也。一心注視。目不暫捨。忽一日有髑髏從聚骨中躍出。搖曳良久。丕蹙踊抱持。資歸。

### 艱苦尋父 (五)

明王原父珣。以家貧役重。逃去。原既娶。號泣辭母。將尋父。循歷山。東南北者數年。一日假寐神祠中。夢至一寺。當午炊。莎根和肉。食之一。老父至。驚覺告之。夢請占之。老父曰。『午南位也。莎根爲附子。肉和之。附子膾也。求之南方。父子其會乎。』原南至輝縣。帶山有寺。曰。『夢覺。』原心動。天雪寒甚。臥寺門外。及曙。僧啓門問之。以尋父對。引入禪堂。予之粥。珣方執爨竈下。出見問姓名。相持哭。



珣不欲歸。原以死自誓。寺僧勸之同歸。後原子孫多顯者。

### 艱苦尋父 (六)

明劉鎬。父允中。爲憑祥巡檢。卒于任。鎬以道遠家貧。不能返柩。居常悲泣。父友憐之。言于監司。聘爲廣西訓導。尋赴憑祥。莫知葬處。鎬晝夜哭。一蒼頭故從其父。已轉入交趾。忽焉至。若有憑之者。因得塚所在。刺血驗之。良是。乃得歸葬。

### 艱苦尋父 (七)

包松仁。江蘇泰興人。父操舟爲業。粵警舟爲官所封。載兵之皖。久無耗。松隻身往尋。出入戎馬中。覓得父。與之俱歸。包一舟子而純孝如此。可謂難矣。

### 艱苦尋母 (一)

元黃覺經五歲。因亂失母。稍長。誓天誦經。求母所在。乃渡江涉淮。行乞備歷艱苦。至汝州梁縣。得母以歸。

### 艱苦尋母 (二)

明元靳祥。金末兵亂。與母相失。母悲泣而盲。祥歷訪得之。舐其目。復

### 艱苦尋母 (三)

明王溥。未仕時。奉母葉氏。避兵貴溪。與母相失。凡十八年。嘗夢母告以所在。洪武間。仕至河南省平章。請歸省母。之貴溪。求不得。晝夜號泣。居人言。夫人爲賊逼。投井死矣。溥遍求各井。忽有鼠自井出。投溥懷中。旋復入井。汲井索之母屍在焉。

### 艱苦尋母 (四)

明邱繼先生母黃爲嫡母所出。父歿。事嫡母極孝。嫡歿後。欲尋母。夢人告曰。『若母在台州金鼇寺前。乃之台。訪金鼇寺。行且泣。牛觸之墜溝。則與夫馬長之門也。』出問從來。具告之。長曰。『吾前與一婦至縉雲蒼嶺下。殆是也。』繼先至其處。委巷中一媪立門外。探之。則母也。抱持而哭。迎以歸。備極孝養。後旌表。

### 艱苦尋母

(五)

明李德成年十二。隨母避寇。至河濱。寇騎迫。母投河死。德成長。搏土爲父母像。與妻朝夕事之。方嚴冬。大雪。冰堅至河底。成夢。母曰。『我處水下。寒不得出。』覺而大慟。徒跣三百里。抵河濱。臥冰七日。冰果融。數十丈。恍惚見其母。而他處堅凍如故。

### 艱苦尋母

(六)

徐子壽龍泉后甸鄉人。週歲喪父。伯嫁其母於江西旅人。携歸都昌。母子不相聞者二十五年。壽少依伯母。稍長思尋母。無資。因爲人力作四載。積資十餘金。乃裹糧往。時值嚴冬。備嘗艱苦。旬月五日抵都昌。求母不得。蓋母已無依行乞矣。壽晝夜哀號。感傷行路。迨除夕前二日。經小南門外。見茅舍內有乞嫗三人。察其音異。就訪之。果母也。相持大慟。時母年已六十餘。乃迎歸。傭力以供菽水。母歿。負土營葬。結茅墓側。邑人哀之。爲詩歌以紀其事。

### 棄官尋母

宋朱壽昌年七歲。生母劉氏。爲嫡母所妒。出嫁。母子不相見者五十年。神宗朝。棄官入秦。與家人訣。誓不見母。不復還。行次於同州。得之。母年七十餘。

## 艱苦求父

河南人楊牢。有至行。李甘

字和鼎

以書薦於尹曰：「執事之部。

孝童楊牢。父茂卿爲叛軍殺死。牢之兄蜀三往索父屍。不獲。牢自洛陽走常山二千里。號伏叛壘。委髮羸骸。有可憐狀。讎意感解。以尸還之。冬月單纒。往來太行間。凍膚皸痂。銜哀泣血。行路稠人爲牢。下淚歸責其子。以牢勉之。牢爲兒踐操如此。未聞執事門。信而書顯之。豈樹風扶教意耶。今河北驕叛。萬師不能攘。而牢徒步請尸仇手。與夫含腐忍瘡者孰多。一牢絕乳卽能詩。後擢進士第。

唐書李中敏傳

## 二二 救親篇

### 打虎救父

晉楊香年十四歲。嘗隨父豐往田中穫粟。父爲虎曳去。時香手無寸鐵。惟知父而不知有身。踴躍向前。搃持虎頸。虎亦磨牙而去。父因得免於害。

### 打虎救母

明謝定住年十二。家失牛。隨母追逐。虎躍出噬其母。定住奮前擊之。虎逸去。乃扶母行。虎復追齧母。住再擊之。虎復去。行數武。虎還齧母足。住取石擊虎。乃舍去。帝召見嘉獎。旌其門。

### 繫獸救父

唐許坦年十歲。父入山採藥。爲猛獸所噬。卽號叫。以杖擊之。獸奔走。父以得全。太宗聞之。謂侍臣曰。『坦幼童。遂能致命救親。至孝可嘉。』授文林郎。

## 代父受刑

梁吉玃父爲吳興原鄉令。爲吏所誣。逮詣廷尉。玃年十五。搥登聞鼓。乞代父命。武帝以其幼。疑受教於人。敕廷尉蔡法度嚴加脅誘。玃曰：「囚雖蒙弱。豈不知死可畏。顧不忍見父極刑。自視延息。此非細故。奈何受人教耶。」法度乃更和顏誘之。脫其二械。玃曰：「求代父死。」竟不脫械。法度以聞。帝乃宥其父罪。丹陽尹王志欲於歲首舉充純孝。玃曰：「異哉王尹。何量玃之薄乎。父辱子死。斯道固然。若當此舉。則是因父買名。」拒之而止。年十七。辟爲本州主簿。出監萬年縣。攝官朞月。風化大行。

南史孝行傳

## 爭代父死

(一)

唐賈直言父道冲。以藝待詔。代宗時。坐事賜鳩。將死。直言給其父

曰：「當謝四方神祇。」使者少怠，輒取鵠代飲，迷而踣，明日毒潰足而出。久乃蘇，帝憐之，減父死，俱流嶺南。直言由是蹶。

### 爭代父死 (二)

唐高郢父伯祥爲好時尉，安祿山陷京師，將誅之。郢尙幼，解衣請代賊義而並釋之。

### 爭代父死 (三)

元張紹祖讀書力學，奉父避兵山間。賊至，執其父，將殺之。紹祖泣曰：「吾父善人，不當害。請殺我以代父死。」賊以戈擊之，戈應手挫鈍，因相謂曰：「此真孝子，不可害。」乃釋之。

## (三) 養親篇



# 行乞養親

(一)

越州應天寺僧。幼貧。無以養。剃髮乞食。以供晨夕。母年一百五歲而終。

宋史孝義傳

# 行乞養親

(二)

楊一武進圩橋人也。行乞養父母。所得食。雖極饑。不敢嘗。必以奉親。有酒。則跪進。跳躍起舞。唱山歌。以悅之。鄉人感其孝。與之金。僱爲傭。不受。曰。我親何可一日離也。親死。乞得棺。脫己衣殮之。嚴寒。赤身。勿恤。葬於野。卽露宿棺旁。日夜哀號。歲時拜獻。未嘗少缺。後於墓。傍得金一穴。書曰。一天錫楊一。遂致富。夫以乞丐之夫。尙知孝親而格天如此。等而上者。可不勉乎。

# 資親喜悅

雲間顏文瑞賦性孝友自幼晨昏定省無間年甫十三卽任家事以慰父母及長窺親意頗愛弟悉以田房讓之不取尺椽寸土娶楊侍講女爲室氏事翁姑益孝奉膳問安有餘必請親膳畢方敢就食嘗以銀錢隱投親笥隨親所喜而與之凡米鹽之入必先及弟以悅親心四五十年如一日一夕夢神告曰「汝命不永且乏嗣上帝以汝至孝故益爾年錫爾嗣」逾年果連得二子後親戚欲舉公孝行公堅却不許

### 負母遊園

明太宰楊巍每朝參畢閉門謝客便服侍母側盥漱卮盂搔摩扶掖無不親之春日爲村裝纈母夫人負之背迤邐行花叢中婆婆香陰歡娛竟日旋以養母乞歸母壽至一百四歲

## 卅年不倦

宋郭琮事母極恭順。娶妻有子。移居母室。凡母之所欲。必親奉之。居常不過中食。絕飲酒。茹葷者三十年。以祈母壽。年百歲。耳目不衰。飲食不減。鄉里異之。至道三年。詔書存恤孝弟。轉運使狀琮事。以聞。有詔旌表門閭。除其徭役。明年母無疾而終。

## 五十年不離

顧忻以母疾。葷辛不入口者十載。雞初鳴。具冠帶。率妻子詣母室。問所欲。如此五十年。未嘗離左右。母老目不能覩物。忻日夜號泣。祈天刺血寫供佛經數卷。母目忽明。不燭能縫紉。九十餘無病而終。

宋史孝義傳

## 手不驅蚊

孝

史

卅年不倦 五十年不離 手不驅蚊 九

晉吳猛少有孝行。夏日手不驅蚊。懼其去已。而噬親也。後遇仙得神術。還家渡江。波甚急。猛不假舟楫。以白羽扇畫水而渡。

### 扇枕溫被

(一)

後漢黃香九歲失母。思慕惟切。鄉人皆稱其孝。躬執勤苦。事父盡孝。夏天暑熱。扇涼其枕。簞冬天寒冷。以身溫其被。席太守劉護表而異之。

### 扇枕溫被

(二)

王延九歲喪母。泣血三年。幾至滅性。每至忌日。則悲啼一旬。事親色養。夏則扇枕。席冬則以身溫被。隆冬盛寒。體無全衣。而親極滋味。晝則傭賃。夜則誦書。遂究覽經史。皆通大義。

晉書孝友傳

### 躬扶父輿

晉孫晷爲兒童未嘗被呵怒。長恭孝清約。父母起居飲食。雖諸兒親饋。而不離左右。父難於風波。每行乘籃輿。躬自扶侍。所詣之處。則於門外隱息。不令主人知。父嘗篤疾。經年。晷扶侍不倦。藥石甘苦。必經心目。跋涉山水。祈求懇至。司空何充司徒蔡謨。辟爲掾屬。並不就。晉書孝友傳

### 爲親滌溺

石建事親孝謹。爲中郎令。每五日洗沐歸。謁親。取親中裙廁。身自浣滌。漢文

### 爲母滌溺

宋黃庭堅字魯直。號山谷。元祐中。爲太史。性至孝。身雖貴顯。奉母盡誠。每夕親滌溺器。未嘗一刻不供子職。

### 外宿歸侍

漢薛包好學篤行。父娶繼母。憎包。逐出。包不得已。廬舍外。旦日入舍內。灑掃服勞。晚宿里門。晨昏問安。歲餘。父母感悟。命還。及父母亡。哀痛成疾。諸弟求分財。包不能止。如弟所欲。奴婢引其老弱者。曰：「與吾共事久。使令所熟也。」器物取其朽敗者。曰：「吾素所使用。身口所安也。」田產取其荒蕪者。曰：「吾少時所治。意所戀也。」後諸弟不能自立。包復賑給。安帝聞其名。徵拜侍中。不受。賜穀千擔。

### 負米百里

家語子路見孔子。曰：「昔者由也事二親之時。嘗食藜藿之食。爲親負米百里之外。親沒之後。南遊於楚。積粟萬鍾。列鼎而食。願欲

食藜藿爲親負米不可得也。一子曰：「由也事親可謂生事盡力死事盡思者也。」子路姓仲名由

### 殺雞供母

漢郭泰寓茅容家。容殺雞作饌。泰意爲已設。既而供母。自以草蔬與客同膳。郭泰起拜曰：「卿賢乎哉！」因勸令學。卒以成德。

### 懷橘遺母

後漢陸績年六歲。於九江見袁術。父曾爲廬江太守。與袁術有善。術是九江刺史。績往拜見。術出橘待之。績懷橘二枚。及歸。拜辭。橘墮地。術曰：「陸郎作賓客而懷橘乎？」績跪答曰：「吾母性之所愛。欲歸以遺之。」術大奇之。

### 省食遺母

陳史徐孝克性至孝。每侍宴無所食。噉還以遺母。

### 珍珠先母

李曇少孤。繼母嚴酷。事之愈謹。妻子寒苦。執勞不怨。得四時。珍珠先進母。與徐穉。姜肱。袁閔。京兆。韋著。爲五處士。曇爲鄉里所稱。法養親行道。終身不仕。後漢書徐穉傳

### 忍痛侍母

劉敦。儒家東都。母病狂易。非笞撻人不能食。左右皆亡去。敦儒日侍疾。體常流血。母乃能下食。敦儒怡然不爲痛。母喪毀瘠幾死。後爲起居郎。時稱劉孝子。唐書劉子元傳

### 孝感惡母

閻纘。少好游。英豪多所交結。博覽典籍。該通物理。父卒。繼母不慈。恭事彌謹。而母疾之愈甚。誣盜父時金寶。訟於有司。遂被清議。十



餘年無怨。孝謹不怠。母後意解。更移中正。乃得復品。

### 舌耕奉父

顧態性至孝。父娶妾生二子而薄態。態孝愈篤。以舌耕爲業。每歲東脩。悉以奉父。毫不敢私。庚子館於張氏。張知其孝也。故試之。開館之日。卽先與東脩之半。謂曰。『今日之與尊翁不知也。此處適有田賣。宜買之。至秋收。可得租米以濟私用。』態曰。『不可。吾豈爲幾斛米。改其心而欺吾父哉。』卒持以奉父。生子際明。官至翰林。純孝如父。

### (四) 侍疾篇

### 未嘗解衣

李密事祖母劉氏以孝謹聞。劉有疾則涕泣側息。未嘗解衣飲膳。湯藥必先嘗。後進。暇則講學忘疲。秦始初徵爲太子洗馬。以劉年老九十六不應。上疏自陳。武帝嘉其誠。款賜奴婢二人。使郡縣供其祖母奉膳。服闕復以洗馬徵。再遷漢中太守。晉書孝友傳

### 衣不解帶

南宋郭世道事父及後母孝。負土成墳。賻助所受。傭賃倍償。仁厚之風。行于鄉黨。莫有呼其名者。宋太祖敕表閭門。名其里曰「孝行里」。子原平又稟至性。父疾彌年。衣不解帶。口不嘗味。積寒暑。未嘗睡臥。

### 夜不解帶

梁江綽有孝行。父患眼。綽侍疾。期月。夜不解帶。夢一僧云：「患眼

者飲慧眼水必瘥。一及覺說之。莫能解者。乃捨宅爲寺。乞智者法師賜寺名。勅云。純臣孝子。往往感應。卿感夢慧眼。可以爲寺名。一及建築。泄故井水。清冽異常。取水洗眼。并煮藥。遂瘥。

### 不離左右

任盡言事母至孝。母老多疾。未嘗離左右。思母得疾之由。或以飲食。或以燥濕。或以言語稍多。或以憂喜稍過。於是朝暮候視。無毫髮不盡。五臟六腑中事。皆洞見。曲折不待切脈。而後知。故用藥必效。張魏公欲辟之。乃辭曰。盡言今使得一神丹。可以長生。必持以遺母。不以獻公也。况能舍母而與公軍事耶。

### 爲母吮疽

章邱陳孝子母患股疽。徹夜呻吟。孝子號泣籲代。終夜扶持。衣不

解帶者年餘。醫者以此症無藥可治。惟吮之其痛可減。孝子卽每日口吮數次。不以爲穢。家貧除供母甘旨外。日食糠粃。後其病愈。登上壽。其孫登顯位。

### 爲母吮癰

元孫瑾父喪。載柩渡江。潮波方湧。俄順風翼帆。如履平地。事母以孝。母患癰。瑾吮之愈。喪日舐之。復明。卒後將葬時。苦雨。瑾夜號天乞霽。至旦雲開日朗。甫掩壙。復雨。數日不止。

### 爲父舐目

元王思聰父病劇。思聰拜祈于天。額膝皆成瘡。得神泉飲之。愈後失明。思聰舐之。卽能視。

### 母盲復明

(一)

晉盛彥母王氏。因疾失明。彥不應辟召。躬自侍養。母食必哺之。母疾久。婢數見捶撻。婢忿恨。伺彥暫行。取鱻螯炙飴之。母疑其異物。密藏以示彥。彥抱母慟哭。母目豁然。卽開後仕吳。至中書侍郎。又南史陳遺因亂逃竄。與母相失。母哭泣失明。遺還號痛。母目豁然。而明。

又宋王翰母喪。明。翰抉右目睛補之。母目明。如故。詔賜粟帛。又金劉政性篤孝。母喪。明。政每以舌舐之。逾旬。母能視物。

### 母盲復明 (二)

劉政性篤孝。老母喪。明。政每以舌舐母目。逾旬。母能視物。母疾晝夜侍側。衣不解帶。刲股肉啖之者再三。母死。負土起墳。鄉鄰欲佐其勞。政謝之。葬之日。飛鳥哀鳴。翔集邱木間。廬於墓側者三年。防

禦使以聞。除太子掌飲丞。金史孝友傳

### 母盲復明 (三)

梁蕭恢有孝性。母目有疾。久廢視瞻。有北度道人慧龍。得治眼術。恢請之。既至。空中忽見聖僧。迨慧龍下。鍼豁然開朗。咸謂精誠所致。

### 母盲復明 (四)

元劉通業農。母失明。通斷酒肉。禱三十年不懈。母八十五。忽復明。又元丁祥。一母喪明。以舌舐之。復能視。

### 嘗糞驗病

南齊庾黔婁爲孱陵令。到任未旬日。忽心驚汗流。卽棄官歸。時父病始二日。醫云「欲知恙劇。但嘗糞苦則佳。」婁嘗之。甜。心甚憂。

之。至夕。稽顙北斗。求以身代。俄聞空中有聲曰：「徵君（父）壽盡。不復可延。汝誠禱既至。止得緩至月末。」及晦而父亡。

### 嘗唾驗病

焦懷肅母病。每嘗其唾。若味異。輒悲號。幾絕。母終。水漿不入口。五日。負土成墳。廬守。日一食。杖然後起。繼母歿。亦如之。唐書孝友傳序

### 親嘗湯藥

漢文帝高祖第三子。初封代王。生母薄太后。帝奉養無怠。母病三年。帝爲之。目不交睫。衣不解帶。湯藥非口親嘗。弗進。仁孝聞於天下。

### 天醫賜方

陶明元母病心痛。醫莫能愈。明元每搯心嚼舌。以分母痛。一日危

甚計無所出。走禱神前曰：「割股割肝，非先王禮。今事急矣，敢犯死。取一鬻爲湯劑，神如有靈，疾庶其瘳。」禱畢，卽引刀自割。忽有童子自外跳入，叱曰：「毋自損我天醫也。」明元大駭，伏地乞哀。童子取案上筆書數字於几面，擲筆仆地。隨呼家人救之，良久甦。乃鄰兒也，叩之無所知。視其所書藥方也。明元私喜，此必神賜。吾母其瘳矣。如方治之。藥甫入口而痛已失，終母壽病不再發。

### 忽得奇藥

北史梁彥光七歲時，父遇篤疾，醫云：「餌五石可愈。」時求紫石英，不得。彥光憂瘁，忽于園中見一物，光不識，怪而持歸，卽紫石英也。衆咸異之。後爲相州刺史，有焦通事親禮闕，爲從弟所訟。光令觀孔子廟中，韓伯瑜母杖不痛，哀母力衰，對母悲泣之像。通悲愧。



若無容者。光訓諭而遣之。卒爲善士。

### 神示靈藥

南齊解仲恭家行敦睦。得纖毫財利。輒與兄弟平分。母病經時不差。入山採藥。遇一老父。語之曰。『得了公藤病立愈。此藤在前山際高樹垂下。便是也。』忽然不見。仲恭如其言得之。治母病卽差。又解叔謙母病。聞空中語云。『此病得了公藤爲酒便差。』徧訪無識者。乃訪至宜都郡山中。見一老父伐木。問其所用。曰。『此丁公藤療風尤驗。』叔謙拜伏流涕。具言來意。老父以四段與之。并漬酒法。謙受之。顧視此人。不復知處。依法爲酒。母病卽差。

右兩則恐是一事

### 神賜靈藥

南齊劉虛哲所生母嘗病。躬自祈禱。夢見一黃衣老公。與藥驚覺。于枕間得之。如言而疾愈。藥如竹根。于齋前種。葉似薨苳。嫡母崔氏及兄子景煥。爲魏所獲。靈哲爲布衣。不聽樂。及父懷珍卒。當襲爵。哲固辭。朝廷義之。哲傾產贖嫡母。及景煥累年不能得。武帝哀之。令北使者請之。魏人送之還南。乃襲封爵。

### 丹書療病

南史蕭叡明母病。風積年沉臥。明晝夜祈禱。天寒下淚。冰如筋。額血冰不溜。忽有一人以小石函授之。曰：「此療夫人病。」明跪受之。忽不見。以奉母。函中有三寸絹。丹書日月字。母服之。卽平復。時秣陵朱緒無行。母病積年。思菰羹。妻買菰爲羹奉母。緒曰：「病安能食。」遂食之。盡。母怒曰：「天若有知。當令汝哽死。」緒聞。心中

介介然。卽利（痢）血。明日而死。

### 神僧遺瓜

梁滕曇恭年五歲。母患熱。思食寒瓜。（西瓜）土俗所不產。曇恭歷訪不得。銜哀悲切。俄一桑門（卽沙門俗稱和尚是也）曰：「我有二瓜。分一相遺。」恭拜謝。捧瓜薦母。舉室驚異。尋訪桑門。莫知所在。父母忌日。晝夜哀慟。其門外有冬青樹二株。時忽有神光自樹而起。俄見佛像及夾侍之儀。容光顯着。久之乃滅。

### 須臾永瘥

梁韓懷明年十歲。母患尸疰。懷明夜于星下稽顙祈禱。時寒甚。忽聞香氣。空中語曰：「童子母須臾永瘥。無勞自苦。」未曉而母平復。鄉里異之。母年九十而終。懷明哭不絕聲。有雙白鳩巢其廬上。

服釋乃去。

### 割肝救母

啓楨野乘載。明彭有源母病篤。源泣禱大士。願割肝救母。夜恍覩大士旛幢而前。源炷香頂禮。持刀自剖。探肝切之。痛絕而甦。呼妻烹以進。母病霍然。愈。源肝出外。不斂。衆求大士。夕示夢曰。『肝收無難。吾欲出之百日。令世人觀之。教孝耳。』

### 傾家醫母

昔崔沔性至孝。母失明。傾家求醫。不脫衣而奉者三十年。每良辰美景。必扶持宴笑。令母忘其所苦。母卒。毀形吐血。茹素終身。愛兒姊幾于母。慈甥姪甚于子。所得俸金。悉以分惠。曰。『風木既悲。無由展我孝思。計親所垂念者。惟此四五人。吾厚待之。庶得慰九泉。』

之下耳。一後官至中書侍郎。子佑甫復爲賢相。

### 至孝延母

杭州戎傳耀事母以孝聞。民國九年母病。閱三年不愈。病久體虛。四肢拘攣。筋絡抽搐。痰涎湧壑。耳鳴心跳。飲食不進。諸醫束手。塵存一息。已備後事。傳耀激于孝誠。禱神鑒佑。時城中廟宇。仙方被禁。惟靈隱韜光寺呂祖殿。仙方尙存。戎于十一年十二月十二日晨。徒步往禱。照方配藥。服後心神頓安。夜得合眼。已無凶險狀。嗣是每晨必步行往禱。雖嚴冬酷暑。不稍息。每冒風霜。衝雨雪。徒步二十餘里。走山間。數年不一輟。冬令秉燭出城。至山方明。立愿虔求。非母病復元不已。其體本弱。自是步履輕健。肢體反強。行山徑中。時覺異香撲鼻。訊之山僧行人。俱云無之。亦一異也。民國十三

年起。改爲三日一求。十四年。改爲五日一次。迨十六年秋。母病全愈。行動如常。先是星相家均斷。戎母壽不得過五十一。而卒得轉危爲安。非誠孝動天。烏克臻此。

(五) 葬親篇

賣身葬父

漢董永家貧。父死。賣身貸錢而葬。及去償工。路遇一婦人。求爲永妻。俱至主家。令織縑三百疋。乃回。一月完成。歸到槐陰會所。遂辭永而去。

徒跌千里

唐李百藥七歲能文。才行顯世。侍父母喪。還鄉。徒跌數千里。子李

安期亦孝順。百藥貶桂州。遇盜將加以刃。安期跪泣請代。盜感而釋之。

### 神報親喪

南史師覺授有孝行。于路忽見一人持一函。題曰「送孝子師君苦前」。俄而不見。捨車奔歸。聞家哭聲。一慟良久乃蘇。

### 神告吉地

北史裴俠年十三。遭父憂。哀毀若成人。將擇葬地。空中有人曰：「童子何悲。葬于桑東。將封公。」俠懼告母。母曰：「神也。吾聞鬼神福善。爾家未嘗有惡。當以吉祥告汝耳。」時俠宅有大桑林。因葬焉。後爲河北太守。

### 天畀良穴

湖南蕭翁延江右堪輿家謝某選穴得一善地。謝謂翁曰：「是地非厚勿載。公曷宿壙以下。非公地。當有異徵。」翁從之。夕偕其子同宿壙中。夜半聞呵殿聲。潛窺之。見儀衛擁導一偉丈夫束馬而來。駐馬叱從者曰：「此何孝子地。蕭某何人。妄思佔據。速擒之出。」翁懼于壙中叩首曰：「本慮據非其分。致干天譴。故宿而卜焉。既荷垂示。願遷讓。」旋聞馬上人言。念汝素長者。姑宥汝。能爲何孝子葬親。當別予汝善地。顧是穴宜速掩。毋使洩氣。言已。風馳電掣。轉盼寂然。質明父子偕歸。以語謝。封其穴。而相與物色何孝子。並無知者。一日謝獨遊郊外。行稍遠。至一鎮。驟遇雨。避某米肆廡下。薄暮春者皆息。一少年獨後。異而詢之曰：「小人有母老矣。非肉不飽。吾早作晏息。可多得直以奉母。」詢其姓曰：「何。」私念



此卽爲何孝子也。欲窺其事。母誠否。俟春息。託言天雨道遠。求借宿。何許之。偕至其家。屋僅兩楹。母居內。夫婦居于外。雖湫隘。然頗潔。何先入白母。旋即延入曰。『家貧無閑房。已令婦從母宿。先生與我同榻。幸毋嫌褻。』坐定。持茶出。繼以酒肴。一肴一置。几上曰。『恕勿陪侍。』急趨入。謝于門隙。覘之。見案上有兩盞。七匙。各一。母飯。夫婦左右侍調羹。進肉。怡怡如也。飯已。婦撤俎。何侍母盥洗。然後對食。祇黃齏少許。生且食且窺。益大嘆服。未幾何出見客。食已告謝曰。『衾枕俱在。先生遠行辛苦。請先寢。勿俟我。』謝領之。遂復入。生復覘之。見何倚母而坐。縷述街市俚事以慰母。母色甚歡。已而欠伸思睡。安枕拂席。解衣就床。皆親扶持。而婦侍其側。亦略無倦容。及母既睡。何又爲搥扶。按摩。聞鼻息動。始起步履。甚輕。如。

恐驚寤。生既嘉其誠孝。而念神言之不謬。俟其出。詢其父歿幾年。已入土否。何泣告曰。『歿已四年。無力卜葬。言之心痛。』謝見其聲淚俱下。慰之曰。『子無傷。吾居停蕭翁。有片壤。願丐以遺子。吾且助汝葬資。』何訝曰。『某與先生素昧平生。何敢叨厚惠。且地有主者。縱蒙先生哀憐。恐言之無益耳。』曰。『無憂也。吾素知蕭翁慷慨好施。樂成人之美。聞子孝思。當無不允。』三日後。子勿他出。我當與偕來。』何泣謝曰。『果如先生言。沒齒不忘大德。』謝復慰藉之。既寢。天未明。謝寤。而何不知所往。及晨起。見其持碗自外至。詢之。則母思食湯團。四鼓入城買歸。往返行二十里矣。生益嘆服。及歸。以告蕭翁。翁喜曰。『神命之矣。既得其人。余何敢吝。』越三日。與謝持地券同往入門。聞何夫婦哭甚哀。大驚。入詢之。則其

母驟染時疫而卒。何見客至。以手搶地而哭。蕭翁憐之。助以殮資。出地契予之。生爲擇日卜葬。葬費皆自生出。既葬。何夫婦皆來謝。並請爲傭。以償地價。翁訝曰。『君誠孝格天。余奈何貪天之功。』遂以前事語之。且曰。『君孝子。吾求爲之友而不得。安敢屈爲傭乎。顧吾家多閑房。君不棄。盍携眷同居。必不使君憂薪水。』何謝勿敢當。翁固邀之。遂留其家。爲司出入之總。月餘。蕭翁謂謝曰。『始神許我葬何孝子親後。別予吉地。今其言當驗。子盍圖之。』生曰。『諾。某非假青烏覓食者。苟不因翁事未竟。何久客異域爲。第須覓一吉壤。顧目前無當意者。願假時日以得之。』自是日向田野山谷間。訪穴尋龍。杳無所遇。求之月餘。形神俱瘁。一日道經何墓。徘徊遠眺。忽見數丈以外。隱約間復現龍脈。尋跡以往。果得真

龍與何墳同源並發。貴稍遜而富遠過之。遂白翁購得之。爲之下葬。事畢辭歸。翁酬之千金。固却曰。『吾向言非以此覓食者。願翁留此以濟貧乏。』翁不得已。爲張樂祖餞。何夫婦亦來泥首謝。生歸。卽登仕途。後翁家日起富。甲一郡。而何孝子亦福壽雙全。子孫皆顯仕。

(六) 孝感篇

盜慚而辭

漢趙咨家居。躬率子孫耕農爲養。盜嘗夜劫之。咨恐母驚。乃先至門。迎請設食。曰。『老母八十。疾病須養。乞少置衣糧。妻子物餘一無所請。』盜慚而辭。

後漢書孝行傳

# 賊不忍殺 (一)

後漢劉平逢更始亂。扶母逃難。匿野澤中。朝出求食。逢餓賊。將烹平。叩頭曰：「今爲母求菜。愿得歸食母。還就死。」賊哀而遣之。平還食母。訖。因白曰：「與賊期。義不可欺。」遂詣賊。衆大驚。相謂曰：「嘗聞烈士。今乃見之子去矣。吾不忍殺子。」于是得全。

# 賊不忍殺 (二)

後漢江革少失父。獨與母居。遭亂。負母逃難。數遇賊。或欲劫將去。革輒泣告有老母在。賊不忍殺。轉客下邸。貧窮裸跣。行傭以供母。母便身之物。莫不畢給。

# 盜不忍害

元賴祿孫母病。值蔡五九作亂。負母避南山。盜至。將刃其母。祿孫

以身翼蔽曰：「勿傷吾母。寧殺我。」盜不忍加害。有掠其妻去者。衆責之曰：「奈何辱孝子婦？」使歸之。其時又有樊淵、郭狗兒均遇兵。請代父母。俱感賊得免。

### 賊反贈物

漢蔡順少孤。事母至孝。遭王莽亂。歲荒不給。拾桑椹。以異器盛之。赤眉賊見而問曰：「何異乎？」順曰：「黑者奉母。赤者自食。」賊憫其孝。以白米三斗。牛蹄一隻。贈之。漢書。又載蔡順嘗出求薪。有急客至。母望順不還。乃噬其指。順卽心動。棄薪馳歸。與曾參事類。又母喪未葬。里中火災。將迫其舍。順抱棺號哭。火遂越燒他舍。順舍獨免。

### 賊約不犯

後漢孫期少爲諸生家貧事母至孝牧豕以奉養遠人從其學者皆執經壟畔以追之里落化其仁讓黃巾賊起過期里約不犯孫先生舍

### 盜戒勿犯

隋史華秋事母以孝聞母終廬墓側郡縣大獵有一兔奔入廬匿秋膝下獵人至異而免之自爾此兔常宿廬中詔表其門閭後羣盜起往來廬之左右咸戒曰「勿犯孝子」鄉人賴全活者甚衆

### 盜還衣服

宋侯義備田事母母卒負土成墳墳間瓜異蒂本連理巨蛇遶其側不暴吻野鴿飛不去嘗遇盜劫其衣服既而知其孝悉還之

虎卽避去 以上感盜賊

邱鐸葬母。鳳鳴山原。哭曰：「鐸生也。咫尺不離吾母膝下。今逝矣。可委體魄於無人之墟乎？」乃結廬墓側。朝夕上食。如生時。當寒夜。月黑。悲風蕭颺。鐸恐母岑寂也。輒巡墓號曰：「鐸在斯。」其地多虎。聞鐸哭聲。卽避去。會稽人異之。稱爲「真孝子」。

虎忽棄之

宋朱泰家貧。鬻薪養母。一日入山遇虎。負之而去。泰已暝眩。行百餘步。忽稍醒。厲聲曰：「虎爲暴食我。所恨母無托耳。」虎忽棄泰于地。走不顧。如有人疾驅之者。泰匍匐而歸。不逾月如故。鄉里聞其孝感。以金帛遺之。目爲「朱虎殘」。

虎卽舍去



明包實夫授徒數十里外。途遇虎銜入林中。釋而蹲。實夫拜曰：「吾被食命也。如父母失養。何。」虎卽舍去。後人名其地爲「拜虎岡」。

### 虎曳尾去 (一)

明蘇奎章從父入山。猝遇虎。奎章泣告。願舍父食。已。虎曳尾去。

### 虎曳尾去 (二)

徐一鵬字季翔。性至孝。家貧。授徒海濱。一夕感異夢。及覺。語主人曰：「吾父殆有恙。急馳歸。夜過一嶺。遇虎於道。季翔祝曰：『吾爲父病馳歸。卽齟虎牙。吾何怖焉。』虎曳尾而去。歸至家。父病果憤。聞季翔至。忽甦曰：『兒適歸。將毋道遇虎乎。予頃被攝至陰司。見緋衣者曰：『爾數已絕。上帝因爾子純孝。特延爾壽一紀。且免爾。」

子於虎厄云一

### 烏耘獸耕

虞舜父瞽瞍頑。母嚚弟象傲。嘗欲殺舜。使舜塗廩。從下縱火焚廩。舜以兩笠自飛而下。又使舜穿井。既深入。瞽瞍與象下土實井。舜從匿空旁。出耕于歷山。歷山之人皆讓畔。鳥爲之耘。獸爲之耕。後由堯禪位爲天子。

### 猛獸馴擾

晉許孜二親沒後。築墓躬自負土。不受人助。每一悲號。鳥獸翔集。墓列松柏。時有鹿犯其松栽。孜悲歎曰。一鹿獨不念我乎。明日鹿爲猛獸所殺。置于松下。孜悵惋。乃爲作塚。猛獸卽于孜前自撲而死。孜益歎息。又埋之。自後樹木滋茂。而無犯者。積二十餘年。朝

夕奉亡如存。鷹雉棲其梁。廬鹿與猛獸擾其庭。圃交頸同遊。不相搏噬。邑人號其居爲「孝順里」。

### 猛獸馴擾

(二)

晉夏方家遭疫。父母伯叔死者十三人。方年十四。夜則號哭。晝則負土。十七載葬送得畢。因廬墓側。種植松柏。烏鳥猛獸馴擾其旁。

### 猛獸下道

吳達經荒饑疾病。合門死者十有三人。達時亦病篤。其喪皆鄰里以葦席裹而埋之。達夫妻既存。家極貧窘。冬無衣被。晝則傭賃。夜燒磚甃。晝夜在山。未嘗休止。遇毒蟲猛獸輒爲之下道。葢年成七墓十三棺。時有賻贈。一無所受。太守張崇義之。以羔鴈之禮禮焉。

晉書孝友傳

### 猛獸絕迹

梁宗室修年十二。丁母艱。自荊州反葬。中江遇風。前後部伍多沉溺。修抱柩長號。血淚俱下。竟得無佗。葬訖。廬墓次山中。多猛獸。至是。絕跡。野鳥馴狎。栖宿簷宇。武帝嘉之。以頒告宗室。後官於漢中。人號爲慈父。時有田一頃。將秋遇蝗。修躬至田所。深自咎責。或請捕之。修曰。『此刺史無德所致。捕之何補。』言畢。忽有飛鳥千羣。蔽日而至。瞬息之間。食蟲遂盡而去。莫知何鳥。南史梁宗室修傳

### 豺狼絕迹

陳史司馬嵩幼有至性。丁父艱。廬墓側。舊多猛獸。嵩結廬數載。豺狼絕迹。特除大中大夫。

### 羣雁俱集

晉吳隱之事親孝謹。及執喪。哀毀過禮。每哭。恆有雙鶴。警叫。祥練之夕。羣雁俱集。

### 慈鳥來集

北齊蕭放居父喪。以孝聞。所居廬前有二慈鳥來集。馴庭飲啄。每臨放哭時。舒翅悲鳴。時以爲孝感。

### 彩雀叢集

宋支漸年七十。持母喪。負土成墳。白蛇白兔。擾其旁。白鴿白鳥。集于壠木。五色雀至萬餘。回翅悲鳴。若助哀者。

### 慈鳥銜土

宋周堯卿年十二。喪母。倚廬三年。既葬。慈鳥百數銜土集壠上。

### 雙鶴來下

南史庾域爲太守。妻子猶事井臼。餘俸專供奉養。母好鶴啼。域營求不怠。一旦雙鶴來下。論者以爲孝感。域子子輿五歲讀孝經。手不釋卷。父遷蜀卒。奉喪還家。秋水甚壯。巴東有淫預石。水高二三十丈。及秋至。纔如見。次瞿塘大灘。行旅忌之。子輿撫心長叫。夜五更水忽減。退安流南下。及度水。復如舊。時人爲之詩曰。『淫預如幙本不通。瞿塘水退爲庾公。』初發蜀。有雙鶴巢舟中。及至。又棲廬側。每聞哭泣。必飛翔悲鳴。

### 烏亦悲鳴

北史紐因性至孝。父母喪。廬墓側。廬前生麻一株。高丈許。圍之合拱。冬夏恆青。有鳥棲上。因舉聲哭。鳥卽悲鳴。時人異之。

### 犬亦悲號

程普林事親以孝。聞父母終。廬墓側。盛冬。惟著單縗。家有烏犬。隨在墓。普林哀臨。犬亦悲號。見者嗟異。

### 犬乳鄰貓

唐李迴秀少聰悟。母少賤。妻嘗詈媵婢。母聞不樂。迴秀卽出其妻。或問之。答曰：「娶妻要事姑。苟違顏色。何可留。」所居堂產芝草。犬乳鄰貓。中宗以爲孝感。

### 禱河得鱖

查道事母以孝。聞母嘗病。思鱖羹。方冬苦寒。道泣禱於河。鑿冰取之。得鱖魚尺許。以饋。又刺臂血寫佛經。母疾尋愈。後官右司郎中。出知虢州。歲歉。出官廩米賑之。又設粥糜以救飢者。所全活萬餘人。平居祿賜所得。輒散施親族。與人交。多所周給。深信內典。居多。

茹素嘗夢神人謂曰。『汝位至正郎。壽五十七。』而享年至六十。四論者以爲積善所延也。

### 臥冰得鯉

王祥琅琊人。性至孝。繼母朱氏不慈。數譖之。失愛於父。每使掃除牛下。祥愈恭謹。父母有疾。衣不解帶。湯藥必親嘗。母嘗欲食生魚。時天寒冰凍。祥解衣將剖冰求之。冰忽自解。雙鯉躍出。母又思黃雀炙。有雀數十飛入其幙。復以供母。有丹柰結實。母命守之。每風雨輒抱樹而泣。其篤孝純至如此。至今山東孝河。雖嚴寒不冰。

### 舍側躍鯉

漢姜詩事母至孝。妻龐氏奉姑尤謹。母性好飲江水。妻常出汲而奉之。母嗜食魚膾。夫婦常作以進。召鄰母共食。舍側忽有湧泉。味



如江。水。日。躍。雙。鯉。詩。取。以。供。母。

### 躍鯉入舟

元。至。順。間。永。平。龍。遵。母。病。腫。三。年。不。能。起。忽。思。食。魚。遵。求。於。市。不。得。歸。途。歎。恨。忽。有。鯉。躍。入。其。舟。作。羹。以。獻。母。悅。病。瘥。

元史孝友傳

### 水獺獻魚

胡。光。遠。母。喪。廬。墓。一。夕。夢。母。欲。食。肉。晨。起。將。求。魚。以。祭。見。生。魚。五。尾。列。墓。前。俱。有。齒。痕。鄰。里。驚。異。共。聚。觀。有。獺。出。草。中。浮。水。去。衆。知。是。獺。所。獻。以。狀。聞。於。官。表。其。閭。

以上感格動物

### 哭竹生笋

吳。孟。宗。少。喪。父。母。老。疾。篤。冬。月。思。笋。煮。羹。食。宗。無。計。可。得。乃。往。竹。林。抱。竹。而。哭。須。臾。地。裂。出。笋。數。莖。持。歸。作。羹。以。奉。母。食。畢。疾。愈。冬。

笋之名自此始。故名其竹曰：「孟宗竹。」

### 哭澤生董

劉殷七歲喪父。哀毀過禮。服喪三年。未嘗見齒。曾祖母王氏盛冬思董而不言。食不飽者一旬矣。怪而問之。王言故。時殷年九歲。乃於澤中慟聲不絕者半日。忽若有人云：「止止。收淚視地。便有董生焉。得斛餘而歸。食而不減。至董生時乃盡。又嘗夢人曰：『西籬下有粟。』掘得十五鍾。銘曰：『七年粟百石。以賜孝子劉殷。』人嘉其至性感通。

晉書孝友傳

### 寒日得瓜 (一)

宗瓊母病。寒日思瓜。瓊夢想見之。求而遂獲。時人異之。

### 寒日得瓜 (二)

元王薦性孝。母沈氏病渴。思食瓜。時大雪。求不得。薦避雪樹下。仰天哭。忽見岩石間青蔓披離。有二瓜焉。摘歸奉母。渴頓止。宣慰使上狀旌之。

### 楊梅冬實

南史王虛之喪父母二十五年。烟酢不入口。疾病臥牀。忽一人來問病。曰：「君病尋差。」俄而不見。果差。庭中楊梅隆冬三實。所居室夜有光如燭。墓上橘樹一冬再實。詔榜門。蠲其役。差通瘥

### 供花不萎

南史蕭懋七歲時。母病篤。請僧行道。有獻蓮花供佛者。僧以銅罌盛水。漬其莖。欲花不萎。懋流涕禮佛曰：「若母因此和勝。願諸佛令花不萎。」七日齋畢。花更鮮紅。視罌中稍有根鬚。當世稱其孝。

感。

### 枯苗更生

陳史吳明徹幼孤。性至孝。家貧無以葬。乃勤力耕種。時亢旱苗枯。明徹號泣仰天自訴。居數日。有自田還者云。『苗已更生。』疑爲給已。及往田。竟如其言。秋而大獲。足充葬用。時有伊氏善占墓。謂其兄曰。『葬日必有乘白馬逐鹿者。經墳。此是孝子大貴之徵。』至時果有此應。後至司空。

### 墓生靈芝

唐許伯會舉孝廉。母喪。不御裘帛。不嘗滋味。野火將逮塋樹。悲號于天。俄而雨火滅。歲旱湧泉。廬前靈芝生。以上感格植物。

### 天燠得冰

元楊霖事母孝。母病熱。更數醫勿効。母曰：「惟得冰。我疾乃可愈。」時天氣甚燠。霖求冰不得。累日號哭。忽聞池中戛戛有聲。拭淚視之。乃冰漸也。取以奉母。果愈。

### 盛夏得冰

明蔡毅中母病。盛夏思冰。盂水忽凍。母喪。斷酒肉。不入內寢。廬居。有紫芝。白鳥。千鴉集墓之異。

### 早忽生泉

南宋王彭少喪父母。家貧無以營葬。兄弟二人。晝則傭力。夜則號感。鄉里哀之。乃各出夫力。助作磚。磚須水。而天旱。穿井數十丈。泉不出。彭號天自訴。一旦大霧。磚窰前忽生泉。水鄉鄰助之者。並嗟有神異。葬竟。水便自竭。太守劉伯龍依事表言。改其里爲「通靈」。

里一

### 庭忽湧泉

唐宋思禮事母以孝聞。會大旱。井池涸。母羸疾。非泉水不適口。禮憂懼。且禱。忽有泉出。諸庭。味甘寒。日不乏。汲柳晃刻石頌其孝感。

### 墓側湧泉

唐安金藏母喪。廬墓側。躬造石墳石塔。晝夜不息。原上舊無水。忽湧泉。自出。有李盛冬開花。犬鹿相狎。聞于上。勅旌其閭。

### 汲水得錢

喬龜年賣字鬻錢。供母甘旨。每日常號泣。自恨家貧缺養。夏月就井汲水。忽有青衣人自井躍出。謂曰。一貧乃前定。何抱恨。乃爾耶。龜年再拜曰。一某恨一母不能豐養。雖勉強傭書。其如不足。何。

青衣曰：「君之孝已聞於天。當於井中取錢百萬。」言訖而滅。汲之果得錢。日治珍饌奉母。

### 埋兒得金

漢郭巨家貧。有子三歲。母嘗減食與之。巨謂妻曰：「貧乏不能供。母。子。又。分。母。之。食。欲。埋。此。子。子。可。再。有。母。不。可。復。得。」妻不敢違。巨遂掘坑三尺餘。忽見黃金一釜。金上有字云：「天賜黃金郭巨孝子。官不得奪。民不得取。」

### 火爲之滅

唐長沙有孝子古。初遭父喪未葬。鄰人失火。初匍匐柩上。以身扞火。火爲之滅。太守憚郅異之。聞于朝而旌之。

### 大火頓熄

孝

史

一埋兒得金

火爲之滅

大火頓熄

三十一

安徽六安縣北門外大火延燒五百餘家。有傅正安者。母故停柩在家。正安呼救鄰家。幫同移去。時風狂火熾。各居戶方自救不暇。無一應者。正安乃號哭入室臥柩下。願同歸于盡。其妻亦携子女環其側。已而火延入院。積艸已燃。忽霹靂一聲。大雨如注。火頓熄。左右隣居高垣厚牆者。俱不獲免。獨正安室巍然無恙。

### 屋獨免燒

何琦沈敏有識度。好古博學。事母孜孜。朝夕色養。常患甘鮮不贍。出爲宣城涇縣令。丁母憂。居喪泣血。杖而後起。停柩在殯。爲隣火所逼。烟焰已交。家乏僮使。計無從出。乃匍匐撫棺號哭。俄而風止。火息。堂屋一間免燒。其精誠所感如此。

### 一屋僅存



清康熙二十四年。苦旱。自春徂夏。赤地無青草。六月十三。小雨始有。種粟者。十八日大雨。沾足。乃種荳。一日石門莊有老叟。暮見二牛鬪山上。謂村人曰。『大水將至矣。』遂攜家播遷。村人共笑。無何。雨暴注。徹夜不止。又蛟水突然驟發。平地水深丈餘。居廬盡沒。一農人棄兩兒。與妻扶老母奔避高阜。上視村中。已爲澤國。並不復念及兒。水落歸家。見一村盡成墟墓。入門視之一屋。僅存兩兒。並坐牀頭。嬉笑無恙。彭南昀曰。『大水深丈餘。人民死者殆盡。城廓盡墟。僅存一屋。則孝子某家也。茫茫大劫中。惟孝子子嗣無恙。誰謂天公無皂白耶。』

## 反風滅火

李轅最孝母。一夕有客來投宿。轅適臨溪烹雞。既具飯。不以供客。

客怒不食。轅曰：「母病思肉，故烹一雞，不及君也。」客愈怒而出。是夜屋後火起，將及廬，忽天雨，反風火滅。鄰人奔視，見客臥火中，火炬猶在手，人已死矣。

### 風返火滅

元李茂事親孝。母失明，茂禱于泰安山。三年復明。大德九年，揚州大火，延燒千餘家。火及茂戶，風返而滅。事聞，旌之。

### 水爲退滅

庾子輿，吉水人。其父出守巴西，遷寧蜀而卒。子輿扶柩歸時，秋水方壯，而瞿塘流更湍急。子輿仰天大哭，水爲退滅十餘丈。既過，水復如初。此純孝之格天也。

### 憑板獨生

吳江吳某迎父喪於旅次。貧不能歸。函骨乘舟渡江。至中流。風浪大作。舟將傾覆。時有同舟百餘人。呼天請命。篙師曰：「諸君有函骨舟中者。必於此舟不利。非拋棄之不可。」乃搜諸客。見函骨。譁曰：「是已。」促之投水中。吳某情急哀號。欲抱父骨。躍身入水。乃向舟師求一板。庶幾憑而到岸。客乃縛吳腰於板。入水中。隨波蕩漾。順流至蘆洲旁。木板抵蘆葦。竟登岸不死。回視前舟。無一生矣。

### 附木獨生

陳榮人。事母至孝。天啓中。郡城水災。人民漂沒。榮與母。兩地隨流。各附一木。及達岸。卒遇其母。先是官舫中。一郡守夜夢神告。次午有孝子附舟。守艤船以待。至日中。一木冲岸。則榮附其上焉。守驚詰。何以孝遽動天。榮曰：「某何知孝。惟一老母。頃刻不敢忘耳。」

孝子真率語。寫盡終身孺慕心腸。方知人子胸中。橫着一孝字者。便不是至誠天性也。

### 俄而風息

陳史阮卓性至孝。父子江州疾卒。卓年十五奔喪。水漿不入口者累日。載柩還都。渡彭蠡湖。中流遇疾風。船幾沒者數回。卓仰天悲號。俄而風息。人以爲孝感所致。

### 俄而風靜

梁庾沙彌以孝行著。沙彌父佩玉坐事誅。沙彌年五歲。母爲製彩衣。不肯服。問其故。流涕曰。『家門禍酷。用是何爲。』終身布衣蔬食。丁母憂。喪還都。濟浙江。中流遇風。舫將覆。沙彌抱柩號哭。俄而風靜。蓋孝感所致。

### 衆溺獨全

南史顧協事親孝。爲新安令。遭母憂。送喪還。于峽江遇風。同旅皆漂溺。惟協舟獨全。

### 衆沒獨全

南史袁昂爲豫章內史。丁母憂。以喪還。江路風暴。昂縛衣于柩。誓同溺。及風止。餘船皆沒。昂船獲全。

### 衆漂獨存

宋杜誼事父母孝。父母卒。廬墓。虎狼交于墓側。不爲害。吳越大水。推巨石流數十里。傍山民居廬墓。漂壞甚衆。而獨不及。誼詔嘉獎。

### 舟忽自正

宋蘇頌知婺州。方泝廬桐江水。暴迅。舟欲覆。母在舟中。幾溺矣。頌哀號欲赴水救之。舟忽自正。母甫及岸。舟乃覆。人以爲孝感。

孝 感 篇 一 雨獨不霑 雨獨不溼 風雹便止

### 雨獨不霑

元楊偉母病劇。偉叩天求代。遂痊。如是者再。後母失明。偉登太白山取神泉洗之。復如故。母歿。葬日大雨。獨偉墓前後數里。雨不霑。土送者大悅。

### 雨獨不濕

元王庸母卒。露處墓前。日夕悲號。一夕雷雨暴至。鄉人持寢席往蔽之。見庸所坐臥之地。獨不霑溼。咸歎異而去。

### 風雹便止

北魏王崇以孝稱。夏風雹所經處。禽獸暴死。草木摧折。至崇田畔。風雹便止。禾麥十頃。竟無損落。及過崇地。風雹如初。咸稱孝行所感。奏標其閭。

### 衆壓獨全

元李忠事親至孝。大德七年。地大震。郇保山移所過。居民廬舍皆摧壓。將近忠家。分爲二行。五十餘步。復合。忠家獨全。

### 衆損獨佳

吳國寶性孝友。親喪廬墓。大德八年。境內蝗害稼。惟國寶田無損。人以爲孝感。

### 草人指路

史彥斌嗜學有孝行。爲水所漂。彥斌縛草爲人。置水中。仰天呼曰：「母棺被水。不知其處。願天矜憐。哀子之心。假此芻靈。指示母棺。」言訖。涕泣橫流。乃乘舟隨草人所之。經十餘日。行三百餘里。草人止桑林中。視之母。柩在焉。載歸葬之。元史孝友傳

### 竟救夙業

吳二事母至孝。一夕夢神曰：「汝夙業。明日當遭雷擊。」吳以老母乞救。神曰：「受命于天。不可逃也。」吳恐驚母。告母云：「兒將他適。請母暫歸妹家。」母不許。俄雷聲闐闐。吳使母閉戶。自出田間待罪。後雲氣開霽。吳急歸視母。猶未敢告。夜又夢神曰：「汝至孝感天。已赦夙惡。」

### 仙丸愈癩

南史邱傑遭母喪。不嘗熟食。歲餘。夢母曰：「死止是分別耳。何得荼苦乃爾。汝噉生菜。遇蝦蟆毒。靈牀有三丸藥。可取服。」傑驚起。果得甌。有藥服之下。科斗子數升。邱氏世保此甌。

### 神示良藥



南史孫法宗性孝親喪居墓所禽獸皆馴附。遇麕鹿觸獵者網必解放之。償以錢物。後苦頭瘡。夜有女人至曰：「我是天使。行瘡本不及善人。使者誤相及。取牛糞煮傅之。卽驗。」一傅便差。一境患者賴之。

### 神贖良藥

南史陸襄母卒。哀毀過度。心痛。醫方須三升粟漿。時日暮。求索無所得。忽有老人詣門。貨漿量如方劑。方欲酬直。無何失之。時以爲孝感所致。

### 斷指復生

唐萬敬儒五世同居。喪親。刺血寫經。斷手二指。輒復生。州改所居曰：「成孝鄉。」大中時表其家。

### 割乳復生

宋楊慶母病。貧不能召醫。取右乳焚之。以灰和藥進焉。入口便差。久之。乳復生。守異之名。其坊曰「崇孝」。詔表其門。以上感天地鬼神

### 至性冥通 (一)

周曾參事母。至孝。參嘗採薪山中。家有客至。母無措。望參不還。乃嚙其指。參忽心痛。負薪以歸。跪問其故。母曰「有急客至。吾嚙指以悟汝爾。」

### 至性冥通 (二)

阮孝緒七歲。出繼從伯允之。允之母周氏卒。遺財百餘萬。一無所受。盡以歸允之姊琅邪王晏之母。聞者歎異之。幼至孝。性沈靜。年十三。徧通五經。十五冠。而見其父。彥之誠曰「三加彌尊。宜思自

勸。一答曰：「願迹赤松子於瀛海。以免塵累。」自是屏居一室。非定省。未嘗出戶。家人莫見其面。親友因呼爲居士。年十六。父喪。不服繇纊。雖蔬有味亦吐之。後於鍾山聽講。母王氏有疾。兄弟欲召之。母曰：「孝緒。至性冥通。必當自到。」果心驚而反。鄰里嗟異之。合藥須得生人。獲舊傳鍾山所出。孝緒躬歷幽險。累日不逢。忽見一鹿前行。感而隨後。至一所而滅。果獲此草。母服之。遂愈。時皆言其孝感所致。

### 至性冥通

(三)

南史宗元卿有至行。早孤。爲祖母所養。祖母病。元卿在遠。輒心痛。大病則大痛。小病則小痛。以此爲常。鄉里尊之。號曰：「宗曾子。」

### 至性冥通

(四)

唐裴敬彝性端謹。父智周爲內黃令。暴卒。敬彝在長安。忽涕泣不食。謂所親曰：「大人每有痛處。吾輒不安。今日心痛。手足皆廢。事在不測。」遂倍道言歸。果聞父喪。後官吏部侍郎。

### 至性冥通

(五)

唐張志寬喪父。哀毀骨立。爲州里所稱。賊帥王君廓屢爲寇掠。不犯其閭。鄉里賴之而免者百餘家。爲里正。詣縣稱母疾。求歸。令問其狀。對曰：「母有所苦。志亦有所苦。今患心痛。知母有疾。」令怒曰：「妖妄之辭也。」繫之獄。馳驗其母。竟如所言。令異之。慰諭遣去。以上性感。

### 格母悔改

周閔損字子騫。早喪母。父娶後母。生二子。衣以棉絮。妒損。衣以蘆

花。父。令。損。御。車。體。寒。失。靸。父。察。知。故。欲。出。後。母。損。曰。『母。在。一。子。寒。母。去。三。子。單。母。聞。悔。改。』右感格其母

### 格婦成孝

(一)

文安縣民娶婦美而悍。每值夫外歸。必泣訴其姑虐。夫嘗默然。一夕燈下。出利刃示婦。婦驚曰。『將安用此。』夫曰。『汝姑虐。今持此去。何如。』曰。『願也。』夫曰。『汝且更謹事之。使四鄰皆知汝謹而姑虐。然後行事。』婦如其言。下氣怡色。晨昏供侍。幾一月矣。夫復持刀叩婦曰。『姑日來視汝若何。』曰。『非前比矣。』又一月復叩之。婦歡然曰。『姑今好甚。前事慎勿作。』夫徐握刀怒視之曰。『汝見世間有夫殺婦者乎。』曰。『有。』『復見有子殺母者乎。』曰。『未聞也。』夫曰。『父母之恩。殺身難報。娶婦正爲奉』

舅姑耳。我察汝不能承順吾母。反令我爲大逆。造此刃者。實欲斷汝首以快母心。且貸汝兩月。使汝改過承顏。表吾母善待汝而安受吾刃也。婦戰懼泣拜曰。幸恕我。我終身不敢逆姑。跪懇久之。乃許。自後姑婦交睦。卒成慈孝兩全。

### 格婦成孝

(二)

陳邦佐以妻不協於母。欲出之。其友唐一菴諫曰。人情喜怒。不常。豈以一失母心。便爲棄婦。他日母追念之。汝悔何及。此時則宜委曲調停耳。未幾果相協。邦佐卒。妻甘貧守節。右感格其妻。

### (七)

### 顯親思親篇

### 揚名顯親

任敬臣五歲喪母。哀毀籲天。至七歲問父英曰：「若何可以報母？」英曰：「揚名顯親可也。」乃刻志從學。汝南任處權見其文。驚曰：「孔子稱顏回以爲弗如也。吾見此兒。信不可及。」

### 大魁天下

秦簪園殿撰。幼失怙。事母純孝。先意承志。母稍不悅。則長跪請罪。家素貧。躬啜藜藿。奉母必甘旨。比長。授徒某氏。距家四五里。晨昏定省。寒暑無間。以是母忘其貧而樂其子之賢也。同時吳門張西峯先生亦以孝聞於鄉。乾隆癸未元旦。張母太夫人夢神謂曰：「女子孝行素著。今春當大魁天下。但嘉定秦某之孝尤篤。且家甚貧。當先秦。」是科禮闈。張文已中第三。主司嫌孟藝後路太率。欲易之於落卷中。獲秦卷。大加歎賞。遂黜張而中秦。廷對榜發。果褒

然居首次科丙戌張亦臚唱第一

### 爲親而仕

廬江毛義少孤家貧有孝行稱南陽張奉慕義名往候之坐定而府檄適至以義守令義奉檄而入喜動顏色奉志尙士心賤之辭去及母死去官進退必以禮後舉賢良公車徵遂不至張奉歎曰「賢者固不可測往日之喜迺爲親屈也」後漢書孝行傳序

### 子壻殊科

東京趙居先父年九十一歲母年九十四歲性皆嚴急居先夫婦侍奉勤謹孝行克諧每夕焚香爲父母祈禱其心專一孝行動天七子三壻皆列殊科居先證仙果 以上顯親

### 度親超昇



福建林承美自幼喪父。寡母守節。撫孤成立。畢婚而卒。美思父母之恩。無由報答。常啼泣不已。偶遇一禪師。謂曰：「親既逝矣。孝子思親。徒哭無益。子但誠心爲善。以求度親。使父母冥中獲福。則謂之報矣。」善功成而能代父母祈求於天。勝於做道場。承美感悟。戒殺放生。廣積陰功。數年後。夢其父謂曰：「汝爲我行善。我與爾母。皆超昇天堂。汝亦有厚福。」後承美壽九十六歲。子孫第甲。閩中不絕。

### 拯人超母

王德昌母徐氏。初妊不育。繼懷孕多病。及生德昌。血崩而暈。既絕復甦。視兒而泣曰：「兒得生。我死無恨矣。」德昌稍長。父以此語之。號慟數日。後以母因產亡。傾家合益。母丸以濟人。全活者甚衆。每聞人產。必爲泣。涕。人問其故。曰：「吾母死於產。念及此。能不痛。」

心乎。一夕夢其母謂曰。因汝念我而多拯人產患。我已得超  
生矣。上帝憐汝孝心。使汝婦臨盆安泰。兼生貴子。後三子皆  
顯。

### 減算益親

崑山顧鼎臣親年五十而生。鼎臣自幼盡孝。稍長撰一表文。每夜  
焚香祝天。願減己算。增親壽。一夕夢黃鶴飛從天來。近視之。卽其  
所焚疏也。末批云。鼎臣減算益親。出於至誠。父延二紀。鼎臣狀  
元及第。後父果臻上壽。鼎臣發第。猶及見之。

### 授訣登仙

蘭期至。孝致斗中真人下降。其家自稱孝悌。王語之曰。夫孝至  
於天。日月爲之明。孝至於地。萬物爲之生。孝至於人。王道爲之成。

子能孝。不久度人世矣。授以秘訣。竟登仙。以上度親。

### 聞雷泣墓

魏王哀事親至孝。母存日。性畏雷。既卒。葬於山林。每遇風雨。聞聲即奔至墓所。拜泣告曰：「哀在此。母勿懼。」隱居教授。讀詩至哀哀父母。生我劬勞。遂三復流涕。後門人至廢蓼莪之篇。

### 夢見父貌

梁甄恬幼喪父。八歲問母。恨生不識父。悲泣累日。忽有所見。言其形貌。則其父也。時人以爲孝感。及居母喪。廬墓側。恆有元黃色鳥巢于墓樹。恬哭則鳴。哭止則止。詔旌其閭。

### 夢晤亡母

齊宜都王銜高帝第十六子也。生三歲喪母。及有識。問母所在。左

右告以早亡。便思慕。蔬食自悲。不識母。常祈請幽冥。求一夢見。至六歲。遂夢見一女人。云「是其母」。鏗悲泣。向舊左右說。容貌衣服。皆如平時。聞者歛獻。南史

### 悲母遺物

張敷生而母亡。年數歲。問知之。雖童蒙。便有感慕之色。至十歲。許求母遺物。而散施已盡。惟得一扇。乃緘錄之。每至感思。輒開。笥流涕。見從母。悲感哽咽。性整貴。風韻甚高。好讀元言。兼屬文論。初父邵宗字茂。使與高士南陽宗少文談繫象。往復數番。少文歎曰：「吾道東矣。」於是名價日重。遷黃門侍郎。父在吳興。爲太亡。成服十餘日。始進水漿。遂毀瘠成疾。未朞卒。孝武卽位。詔旌其孝道。改所居稱「孝張里」。南史張邵傳

## 不仕仇朝

王哀父儀爲安東司馬。東關之敗。文帝時爲帥。問僚屬曰：「近日之事。誰任其咎？」儀曰：「責在元帥。」文帝怒曰：「司馬欲委罪於孤邪？」斬之。哀少立操尚。行己以禮。博學多能。痛父非命。未嘗西向坐。示不臣朝。廷隱居教授。三徵七辟。皆不就。廬墓側。旦夕至墓拜跪。攀柏悲號。涕淚著樹。樹爲之枯。

## 殺賊報父

馬天駟少卽穎悟。好讀書。康熙乙卯七月。赴省試。聞賊逼三衢。復反家。賊卒至。駟父出奔。遇賊。將刃其父。駟以身蔽之。泣訴曰：「此我父也。願無加害。寧殺我。」賊竟殺其父。駟躍起。奪賊刃。連斫數賊。賊衆至。乃殺駟。其妻余氏遁於爛柯山。時孕已彌月。迨將分娩。

前一夕夢關壯繆告之曰：「汝夫爲父死，不可令無後。我當與汝子。」次日果生一子。賊又至，賊首見壯繆橫刀而立雲際，賊馬皆止。策之不前，不敢登山而回。一方賴以無虞，孝之感神如是哉。

### 母老泣杖

以上思親

漢韓伯愈至孝。有過，母笞之。忽然下泣。母曰：「往者杖汝，惟忍受之。今何以泣？」愈曰：「往日杖痛，知母康健。今母力衰，不能使痛。是以泣也。」

### 母是活佛

蜀中楊黻叩無際禪師求佛。禪師曰：「汝何不見活佛？」曰：「佛在何處？」禪師曰：「汝試歸，見披衣倒屣者，卽是佛。」夜歸呼門。母聞不及着衣，喜急開門，倒屣披絮出迎。黻悟知敬親，卽奉佛矣。

海門陳鏡伊先生編

# 道德叢書

●道之平治齊修● ●血心年十費耗●  
 ●遺無中其羅包● ●書叢部一此成●  
 ●面十數畫字生先亭一王有並頁數千計共部全●

另售模範人生觀巧談每冊各一角婦女故事家庭美德孝史官吏良鑒法曹圭臬民間懿行軍人道德

### 模範人生觀

勸學篇 立志篇 器量篇 事師篇 同學篇  
 交友篇 居鄉篇 還金篇 酒色篇

### 婦女故事

賢母類 賢婦類 孝女類 孝婦類  
 節婦類 孝女類 慈媳類

### 家庭美德

夫婦篇 父子篇 兄弟篇  
 叔姪篇 宗族篇

### 孝史

尊親篇 敬親篇 養親篇 侍疾篇  
 奉親篇 孝慈篇 顯親思親篇

### 官吏良鑒

清廉類 循良類 忠直類 仁德類  
 建政官 財務官 考試官 外交官  
 奸邪類

### 法曹圭臬

審放官 律師  
 獄官 律師

### 民間懿行

商篇 醫篇 雜工篇  
 士篇 農篇 雜工篇

### 軍人道德

忠義類 仁德類 謀勇類  
 屯墾類 殘暴類 奸食類

### 考試佳話

上編四十三案 中編十二案  
 下編四十五案

### 巧獸之變談

上編四十三案  
 下編六十八案

### 命相真諦

上編五十五案  
 下編八十四案

### 富室珍言

上編五十五案  
 下編三十三案

### 冤孽

訴冤篇 顯惡篇 報仇篇 現形篇 業命篇  
 投生篇 冥府篇 夙孽篇 心鬼篇

### 冤孽

投生篇 冥府篇 夙孽篇 心鬼篇 業命篇

●全四十部加發獎憑一紙精美書一匣定價一元郵費角半●

## 發行所

上海霞飛路嵩山路口三層樓洋房道德書局

(電話二七四七號)

考試佳話人獸之變命相真諦富室珍言冤孽每冊八分以上同樣購滿五冊八折十冊七折郵費外加

10  
752982  
4/

(1)